

# Musica da Hans Erni e Duri Sialm

Top chor vol. 4 cun chant

■ (cp) Tgi na conuscha betg il Pur suveran, Nossa viarva, l'Olma ubain Allas steilas? Chanzuns ch'han tutgà l'olma dal

chantadur, da la chantadura. Chanzuns ch'han marcà sensiblaimain il chant da chors rumantschs. Identificaziun chanti-

ca par excellence! 2011 è passads 50 onns dapi la mort da dus dals gronds cumponists rumantschs: Hans Erni (1867–1961) e Duri Sialm (1891–1961). 2011 sa regorda RTR Radiotelevisiun Svizra Rumantscha da quellas duas persunalitads marcantas da l'uschenumnada «segunda generaziun da cumponists indigens». Quai è succedi cun in concert commemorativ ils 27 da matg en halla plurivalenta a Glion. Il concert è medemamain stà l'avertura da la 44avla Fiasta da cant districtuala dalla Surselva. Il disc cumpact Top chor vol. 4 porta parts dal concert commemorativ cun ils interprets: Chor d'affons dalla Surselva (dir. *Rilana Cadruvi*), Cantus Firmus Surselva (dir. *Clau Scherrer*), Chor viril Ligia Grischa (dir. *Peter Appenzeller*) e las solistas vocalas *Letizia Scherrer*, *Judit Scherrer* e *Rilana Cadruvi*. *Ferenc Bogнар* e *Clau Scherrer* han sunà il piano.

**Ediziun: Radio Rumantsch**  
**Distribuziun: Radio Rumantsch, Via da Masans 2, 7002 Cuir, 081 255 75 75. Pretsch da vendita: 25 francs + spediuziun**  
**Dapli infurmaziuns: [www.rtr.ch](http://www.rtr.ch)**

